

**Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)**

**i**

**UR čevabdžinica i slastičarna ZMAJ, Put života bb, Sarajevo, ID broj: 4302887180009, koju zastupa vlasnik Safet Aljović (u daljem tekstu: Davalac usluga),**

**zaključili su:**

### **UGOVOR O NABAVCI RESTORANSKIH USLUGA (DNEVNI OBROCI ZA POLICIJSKE SLUŽBENIKE)**

#### **Član 1.**

Predmet Ugovora je pružanje restoranskih usluga (nabavka 320 obroka za policijske službenike), za potrebe Uprave policije Ministarstva unutrašnjih poslova Kantona Sarajevo. Nabavka je izvršena putem poziva za nabavku restoranskih usluga u 2021. godini, na osnovu Odluke broj 02-11-4-1299/21 od 08.03.2021. godine, a u skladu sa Pravilnikom o postupku dodjele ugovora za nabavku usluga iz Aneksa II dio B Zakona o javnim nabavkama ("Službeni glasnik BiH", br.66/16), ponudom Davaoca usluga, i stvarnim potrebama Korisnika usluga.

Ponuda Davaoca usluga br. 2/2021 od 13.08.2021. godine je sastavni dio ovog ugovora.

#### **Član 2.**

Ukupna cijena predmetne nabavke iznosi 2.400,00 (dvijehiljadečetiristotine i 00/100) KM sa PDV-om.

Davalac se obavezuje da se cijene iz Ponude neće mijenjati do isteka ovog ugovora.

#### **Član 3.**

Ugovorne strane su saglasne da kvalitet dostavljenih obroka mora u svemu da odgovara standardima i propisima koji regulišu kvalitet tih vrsta proizvoda.

#### **Član 4.**

Davalac usluga se obavezuje da će obroke iz člana 1. ovog ugovora isporučiti najkasnije u roku od 1 (jedan) dana od dana prijema narudžbenice, na adresu Ugovornog organa.

#### **Član 5.**

Prilikom isporuke predmetne nabavke Davalac usluga je dužan dostaviti otpremnicu za isporučene obroke (po vrsti i količini) u dva primjerka, koja je uredno ovjerena i potpisana od strane ovlaštene osobe Davaoca usluga. Po prijemu robe otpremnicu potpisuje i ovlaštena osoba Ugovornog organa.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). U zapisnik se unosi količina isporučene robe te evidentiraju mogući vidljivi nedostaci na istoj.

#### **Član 6.**

Plaćanje se vrši u roku od 30 (trideset) dana od dana izvršenja usluge i dostavljanja fakture, na tekući račun Davaoca usluga.

**Član 7.**

Davalac usluga se obavezuje da će odmah postupiti po eventualnim primjedbama Korisnika usluga u pogledu nedostataka na ime kvaliteta izvršene usluge. Korisnik usluga je dužan dostaviti pismeno obavještenje o svakom propustu Davaoca usluga. Korisnik usluga će utvrditi razuman rok za ispravku propusta Davaoca usluge u smislu izvršavanja predmetnih usluga.

**Član 8.**

Ugovorne strane su saglasne da sva eventualno sporna pitanja rješavaju dogovorom, štiteći obostrane interese. U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

**Član 9.**

Na sve što nije regulisano odredbama ovog ugovora, primjenjivat će se odredbe Zakona o obligacionim odnosima koje se odnose na ugovor o pružanju usluga.

**Član 10.**

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti.

**Član 11.**

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

**DAVALAC USLUGA**  
**UR čevabdžinica i slastičarna ZMAJ**  
**Sarajevo**

\_\_\_\_\_  
**VLASNIK Aljović Safet**

**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

\_\_\_\_\_  
**POLICIJSKI KOMESAR**  
**Generalni inspektor policije**  
**Nusret Selimović**

**Broj :** \_\_\_\_\_  
**Datum: 13.08.2021. godine**

**Broj: 02-11-4-1299-5/21**  
**Datum: 13.08.2021. godine**